



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXI. Ut Convictores, & Alumni Collegii Germanici nati, & educati sint in
Provinciis in Bulla expressis.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Super hoc Partes de-
verunt ad
Concordiam
sub beneplacito S. Sedis.

Tenor ejusdem
Concordiæ.

Præces utri-
usque Partis.

Absolutio a
Censuris.

D. Concor-
diam auctori-
tate Aposto-
lica confir-
mat.

Supplet defe-
ctus, & utrius-
que Partis silenti-
um imponit.

Decretum ir-
ritans.

rissimo in Christo Filio Nostro Ludovico Fran-
corum Rege Christianissimo apud Nos, & Sedem
Apostolicam Oratoris, ad concordiam super
præmissis (servato tamen desuper Nostro, &
d. Sedis Beneplacito) devenerunt, ut scilicet
tam præfatis Fratribus Capuccinis, quam dict.
Fratribus Tertii Ordinis d. Congregationis Gallica-
na liceat habitum præfatum Personis Sæcularibus
utriusque sexus juxta usum apud suos respective
receptum conferre, & alias, prout plenius continetur
in scriptura desuper confecta, tenoris, qui
sequitur, videlicet.

§. 2. In nomine Domini coram Em̄is Cardinali-
bus infranominatis anno Domini 1675. die 6. Fe-
bruarii confectum est Romæ præfens Instrumen-
tum, & ab utraque parte acceptatum in sequenti
forma. Cum jam diu Patres Capuccinos inter,
& Tertiarios Regulares, quæstio nata sit de,
& super jure conferendi habitum Tertii Ordinis
S. Francisci personis Sæcularibus utriusque sexus
extra Congregationem degentibus, & Ordina-
riorum Jurisdictioni subditis, eaque controversia
multis intercedentibus Em̄orum Cardinalium,
tum Sacri Concilii interpretationi, tum Episco-
porum, & Regularium Consultationibus præpo-
sitorum Decretis, ac SS̄morum Pontificum Bre-
vibus, nondum penitus composita sit: ne diu-
turniore contentione pax, & charitas inter dd.
Ordines labefactari queat, utriusque Ordinis
Procuratoribus, pietatis, & concordie studio,
accedente auctoritate, & exhortationibus Em̄o-
rum Cardinalium Rospigliosii, & Destrees, nec-
non Excellentissimi Ducis Destrees ad S. Sedem
Extraordinarii Regis Christianissimi Oratoris,
eam exortas illa de re lites componendi, & fu-
turas in posterum amputandi, optimam ratio-
nem inire placuit, ut scilicet tum Patres Capuci-
cini, tum Tertiarii Sæcularibus utriusque sexus
habitum S. Francisci conferant utrique, juxta usum
apud suos receptum, & Jura quibus hætenus gau-
dere consueverunt--Salva, & reservata super præ-
missis, S. Sedis Apostolicæ confirmatione, pro
qua enixe supplicatur, super his silentio im-
posito F. Amadeus Bajocensis Capuccinus Pro-
curator Provincia S. Ivonis Tertii Ordinis, Cæ-
sar Cardinalis Destrees, Jacobus Cardinalis Ro-
spigliosius.

§. 3. Quare exponentes præfati Nobis humi-
liter supplicari fecerunt, ut sibi in præmissis op-
portune providere, & ut infra indulgere de be-
nignitate Apostolica dignemur; Nos igitur
iplos Exponentes specialibus gratis, & favoribus
prosequi volentes, & eorum singulares personas
a quibusvis excommunicationis, suspensionis,
& interdicti, aliisque Ecclesiasticis sententiis,
censuris, & pœnis a Jure, vel ab homine quavis
occasione vel causa latis, si quibus quomodolibet
innodatæ existunt, ad effectum præsentium
dumtaxat consequendum, harum serie absolven-
tes, & absolutas fore censentes, ac supradicto-
rum Decretorum, & Literarum Apostolicarum
tenores, & alia quæcumque etiam specificam, &
individuum mentionem, & expressionem requi-
rentia, præsentibus pro plene, & sufficienter
expressis habentes hujusmodi supplicationibus
inclinati, concordiam inter Partes prædictas
initam, ut præfertur, confectamque desuper
scripturam præinsertam cum omnibus, & singu-
lis in ea contentis, auctoritate Apostolica te-
nore præsentium confirmamus, & approbamus,
illique inviolabilis Apostolicæ firmitatis robor
adjicimus, ac omnes, & singulos Juris, & facti
defectus, si qui desuper quomodolibet interve-
nerint, supplemus, & proinde perpetuum super
controversia prædicta utriusque Partium silentium
eadem auctoritate, harum serie imponimus.

§. 4. Decernentes eandem præsentem literas
semper firmas, validas, & efficaces existere, &

fore, suosque plenarios, & integros effectus for-
tiri, & obtinere, ac illis ad quos spectat, & pro
tempore quancumque spectabit in omnibus,
& per omnia plenissime suffragari, & ab eis
respective inviolabiliter observari: Sicque in
præmissis per quoscumque Judices Ordinarios, &
delegatos, etiam causarum Palatii Apostolici Au-
ditores, judicari, & diffiniri debere; ac irritum, &
inane, si secus super his a quoquam quavis auctori-
tate scienter, vel ignoranter contigerit attentari.

§. 5. Non obstantibus præmissis, ac Consti-
tutionibus, & ordinationibus Apostolicis, nec-
non quatenus opus sit præfatorum Ordinis, &
Congregationis Gallicanæ, aliisque quibusvis,
etiam Juramento, confirmatione Apostolica, vel
quavis firmitate alia roboratis statutis, & con-
suetudinibus, Privilegiis quoque Indultis, &
litteris Apostolicis, in contrarium præmissorum
quomodolibet concessis, confirmatis, & innova-
tis. Quibus omnibus, & singulis illorum tenores
præsentibus pro plene, & sufficienter expressis,
& ad verbum insertis habentes, illis alias in suo
robore permanens ad præmissorum effectum,
hac vice dumtaxat specialiter, & expresse de-
rogamus, cæterisque contrariis quibuscumque.

§. 6. Volumus autem, ut earumdem præsen-
tium literarum transumptis, seu exemplis, etiam
impressis manu alicujus Notarii publici subscrip-
tis, & sigillo Personæ in Ecclesiastica dignitate
constitutæ munitis, eadem prorsus fides in Ju-
dicio, & extra illud habeatur, quæ haberetur ipsis
præsentibus, si forent exhibitæ, vel ostensæ.

Datum Romæ apud S. Mariam Majorem, sub
Annulo Piscatoris die 20. Febr. 1675. Pontifica-
tus Nostri Anno Quinto.

I. G. Slusius.

Reg. in Sec. in lib. Brevium Mensis Februa-
rii.

Confirmatio Decreti Em̄orum Cardinalium Col-
legii Germanici, & Hungarici de Urbe Pro-
tektorum ut imposterum nullus, vel Con-
victor, vel Alumnus recipiatur in dictum
Collegium, qui non habeat qualitates in Bul-
la Constitutionum ipsius Collegii requisitas,
& sit natus, & educatus in Provinciis in dicta
Bulla expressis.

CLEMENS PAPA X.

Ad perpetuam rei memoriam.

Exposuerunt Nobis nuper Venerabiles Frā-
tres Nostri S. R. E. Cardinales Collegii Ger-
manici, & Hungarici de Urbe apud Nos, &
Sedem Apostolicam Protectores, quod dudum
fel. rec. Gregorius PP. XIII. Prædecessor Noster
dictum Collegium fundavit, illudque à Semina-
rio Romano, in quo Alumni, & Convictores
Itali educantur, separando, ordinavit, ut nemo
in Alumnus, vel Convictorem ejusdem Colle-
gii admitteretur, qui ex Provinciis, & Circulis
Germaniæ in literis Constitutionum ipsius Colle-
gii expressis non esset.

§. 1. Et subinde cum cubicula in dicto Col-
legio nonnullis Convictoribus Italis variis tem-
poribus concessa fuissent, ab eisdem S. R. Eccl.
Cardinalibus Protectoribus, & Superioribus Colle-
gii præfati tunc existentibus cognitum fuit,
ejusmodi nationum diversitatem, disciplinæ,
& gubernio Alumnorum multum obesse, ac finem
fundationis ejusdem Collegii impedire; Unde
iisdem Cardinales Protectores expresse decreve-
runt, ne Convictores in Collegium hujusmodi,
nisi juxta dispositionem literarum præfati Gre-
gorii prædecessoris reciperentur.

Derogat
contrariis.

Transumptio-
rum fides.

Dat. 20. Febr.
1675. An. 5.

LXXXI.

Ordinatio
Greg. XIII.

Contravetio.

Decretum
Cardin. Pro-
tektorum.

§. 2. Verum

1675.

Nova Con-
traventio.

Innoc. X.
mandatum.

Vigore hujus
mandati Cō-
victores Itali
eo tunc fue-
runt dimissi.

Postea dispē-
satum fuit.

Tenor De-
creti per
Card. Prote-
ctores ejus-
dem Collegii
edit. die 29.
Jan. 1675.

Preces Card.
Protecto-
rum.

Pontifex
dict. Decre-
tum Ap. aucto-
ritate con-
firmat.

Supplet in
eo omnes de-
fectus.

§. 2. Verum progressū temporis cum aliqui Convictores Itali, propter vehementes personarum potentium commendationes, in Collegium prædictum introducti fuissent, qui nimis libere, ac modo ab instituto ejusdem Collegii omnino diverso vivebant, rec. me. Innocentius Papa X. etiam prædecessor Noster incommodorum, quæ inde nascebantur, conscius, mandavit dilecto Filio Joanni Paulo Olivæ Præposito Generali Societatis Jesu tunc dicti Collegii Rectori, ne in ipsum Collegium amplius admitterentur sub quocumque prætextu Convictores ex Nationibus per præfati Gregorii prædecessoris literas, & Cardinalium Protectorum decreta hujusmodi exclusi; & vigore mandati hujusmodi, ejusmodi Convictores, qui ibi tunc erant, inde dimissi fuerunt.

§. 3. Cumque Collegium ipsum, existentibus in eo solis Alumnis, & Convictoribus, quos litera Apostolicæ admitti præscribunt multos per annos optima disciplina, atque pace gavifum fuisset, subinde cum nonnullis Convictoribus Italis dispensatum fuit, ut in illud admitterentur, atque ita præterita inquietudines, non sine magno divini servitii detrimento, atque molestiis Superiorum, qui abusus, & incommoda inde subnascentia impedire nequibant, renovatæ fuerunt.

§. 4. Cum autem sicut eadem expositio sub-
jungebat Collegium præfatum ab ejusmodi præ-
judicii, atque incommodis liberum de præfenti
reperiatur, & ne in ea deinceps relabatur, Car-
dinales exponentes prædicti, Decretum edide-
runt, tenoris qui sequitur videlicet: Nos Fran-
ciscus Cardinalis Barberinus, Nicolaus Cardina-
lis Ludovisius, Flavius Cardinalis Chifius, Jaco-
bus Cardinalis Rospigliosius, Palutius Cardinalis
Alterius, Collegii Germanici, & Hungarici Car-
dinales Protectores bene perspectis dicti Colle-
gii Constitutionibus, quodve pro subveniendis
spiritualibus Germaniæ, & Hungariæ necessitati-
bus juxta finem Constitutionis Collegii, consul-
tum magis, atque utile futurum sit diligentius
attendentes rationum momentis utrinque per-
penfis unanimi consensu statuimus, atque de-
cernimus, ut in posterum nullus, vel Convi-
ctor, vel Alumnus recipiatur in Collegium: qui
non habeat qualitates in Bulla Constitutionum
requisitas, & sit natus, & educatus in Provin-
ciis in dicta Bulla expressis, & indicatis, ut
melius sublata Nationum diversitate, & incom-
modis exinde oriri solitis ejusdem Collegii Alum-
ni possint unanimiter in solidæ pietatis, & lite-
rarum studia incumbere, & finem assequi, ad
quem Collegium ad majorem Dei gloriam, &
Animarum salutem institutum fuit, atque ita
executioni mandari ab ejusdem Collegii Recto-
re: hoc scripto manu Nostra firmato statui-
mus, decernimus, & mandamus supplicando
Smo Dño Nostro Clementi X. ut dignetur hoc
Nostrum decretum sua auctoritate confirmare.
Dat. Romæ hac die 29. Januarii 1675. -- Fran-
ciscus Episcopus Ostien. Cardinalis Barberinus. --
F. Cardinalis Chifius. -- IC. Cardinalis Rospiglio-
sius. -- P. Card. de Alteriis.

§. 5. Nobis propterea iidem Cardinales Ex-
ponentes humiliter supplicarunt, ut Decretum
hujusmodi, quo firmitus subsistat, & servetur
exactius, Apostolicæ confirmationis patrocinio
communire de benignitate Apostolica dignare-
mur. Nos igitur ipsorum Cardinalium votis hac
in re favorabiliter annuere volentes, hujusmodi
supplicationibus inclinati, Decretum præinse-
rum, omniaque, & singula in ea contenta, &
expressa, auctoritate Apostolica tenore præsen-
tium confirmamus, & approbamus, illisque
inviolabilis Apostolicæ firmitatis robur adji-
cimus, ac omnes, & singulos juris, & facti de-
fectus, si qui desuper quomodolibet interven-
erint, supplemus.

§. 6. Decernentes easdem præfentes lite ras
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac ab illis ad quos spectat, &
pro tempore quodcumque spectabit inviola-
biliter observari: sicque in præmissis per quos-
cumque Judices Ordinarios, & Delegatos etiam
causarum Palatii Apostolici Auditores judicari,
& definiri debere; ac irritum, & inane si secus
super his a quoquam quavis auctoritate scien-
ter, vel ignoranter contigerit attentari.

§. 7. Non obstantibus præmissis, ac Consti-
tutionibus, & Ordinationibus Apostolicis, nec-
non quatenus opus sit dicti Collegii, aliisve
quibusvis, etiam juramento, confirmatione Apo-
stolica, vel quavis firmitate alia roboratis statu-
tis, & consuetudinibus, Privilegiis quoque, In-
dultis, & literis Apostolicis in contrarium præ-
missorum quomodolibet concessis, confirmatis,
& innovatis. Quibus omnibus, & singulis il-
lorum tenores præsentibus pro plene, & suffi-
cienter expressis, ac insertis habentes, illis alias
in suo robore permanfuris ad præmissorum ef-
fectum hac vice dumtaxat specialiter, & expre-
sse derogamus, cæterisque contrariis quibuscum-
que.

§. 8. Volumus autem, ut earundem præsen-
tium literarum transumptis, seu exemplis etiam
impressis, manu alicujus Notarii publici subscrip-
tis, & sigillo personæ in Ecclesiastica dignitate
constitutæ munitis, eadem profus fides tam in
Judicio, quam extra habeatur, quæ ipsis præ-
sentibus haberetur, si forent exhibitæ, vel
ostensæ.

Datum Romæ apud Sanctam Mariam Majo-
rem sub Annulo Piscatoris die 4. Martii 1675.
Pontificatus nostri Anno Quinto.

I. G. Slufius.

Registrata in Secretaria Brevium in lib. Mensis
Martii part. utraque foli. 101.

Indultum quod in universo Ordine Fratrum tam
Calceatorum, quam Excalceatorum, & Mo-
nialium Ordinis B. Mariæ de Mercede Red-
emptionis Captivorum celebretur sub ritu
duplici de præcepto Officium, & Missa om-
nium Sanctorum, & Sanctarum dicti Ordinis
die 13. Novembris.

CLEMENS PAPA X.

Ad perpetuam rei memoriam.

Apostolicæ servitutis officium, quod ineffa-
bilis divinæ Majestatis Clementia humili-
tati nostræ imponere dignata est, exigit, ut San-
ctorum in Cælesti Hierusalem, cum Christo Je-
su Domino nostro regnantium cultum, & ve-
nerationem in terris quantum Nobis ex alto
conceditur promovere, atque ampliare studea-
mus.

§. 1. Itaque piis dilecti filii nostri Petri tituli
Sancti Marci S.R.E. Presbyteri Cardinalis Ot-
thoboni nuncupati Ordinis Fratrum Beatæ Ma-
riæ de Mercede Redemptionis Captivorum apud
nos, & Sedem Apostolicam Protectoris, præci-
bus, & benigne annuentes, ac etiam supplicatio-
nibus dilecti filii Francisci a Sancto Marco Pro-
curatoris Generalis Congregationis Fratrum Ex-
calceatorum nuncupatorum ejusdem Ordinis no-
bis super hoc humiliter porrectis inclinati, ip-
sumque Franciscum Procuratorem a quibusvis
excommunicationis, suspensionis, & interdicti,
aliisque Ecclesiasticis sententiis, censuris, & pœ-
nis a jure, vel ab homine quavis occasione,
vel causa latis, si quibus quomodolibet inno-
datus existit, ad effectum præsentium dumtaxat

1675.
Dcretum
irritans.

Contrariis
derogat.

Fides tran-
scriptorum.

Dat. 4. Mar-
tii 1675.

LXXXII.

Exordium.

Preces.

Absolutio a
Censuris quo
ad d. Procura-
torem Ge-
neralem.